

水

雲

集

水雲集序

東牟古牟子之國齊之大郡也戶口浩繁人  
性質朴東連滄海煙浪雲濤浩渺無涯不知  
其幾萬里南揖崑崙層巒疊嶂峻極于天不  
知其幾千丈海山鍾秀人傑地靈異人名士  
代不乏人宜乎真人仙子相繼而生也譚公  
先生名處端號長真子吾鄉大族也生而穎  
悟識度不凡善草隸書為人刮正有操行鄉  
里敦憚之大定丁亥歲重陽開化妙行真人

飛錫東萊仙遊海上以往契風緣訪尋知友  
於吾鄉得丹陽子馬公長真子譚公於東萊  
掖水得長生子劉公又於登州棲霞得長春  
子丘公結為方外眷屬所謂譚馬丘劉是也  
相從真人之遊西抵夷門真人付以口訣囑  
以後事厭世而上昇四子殯葬禮終絜徒而  
西至終南山即真人之舊隱傳襲其道十有  
餘年自時厥後各從所之長真先生往來於  
洛川之上行化度人從其教者所至雲集其

述作賦詠舉筆即成詩頌詞章僅數百篇又  
述語錄骷髏落魄歌警悟世人皆包藏妙用  
教暢真風引人歸善甚有益於時也濟州全  
真菴主王琉輝等鑲板印行廣傳四方值丙  
午歲大水漂沒其板散亡掖水長生先生劉  
公運慈悲心開方便路遣門人徐守道李道  
微于悟仙等詣吾鄉屬余為序歆再命工發  
槧以永其傳可謂仁人之用心也竊嘗謂長  
真先生與余同鄉里年相若而志頗同初為

兒童之戲長為朋友之遊而先生中年遇師  
學道蟬蛻登真余蒼顏華髮尚區區於名利  
之場甘分待終隨物衰謝何其愚也余將掣  
肘捐老牛舐犢之愛去硯鼠畏人之貪逍遙  
於自得之鄉笑傲於真閑之境學先生之道  
誦先生之大高養天和以寄餘生未審先生  
異日有舊遊之念肯乞飛霞佩乎嗚呼先生  
已羽化矣後之學者不能見先生之步趨聞  
先生之聲歎其玄機妙旨遺範餘風詳味斯

文則可矣大定丁未歲正月望日東牟州學  
正范懌德裕序

水雲集卷上

崑崙山長真子譚處端述

七言律詩

題洛陽朝元宮

宮門寂寂鎖祥煙  
古跡靈蹤尚儼然  
雲罩連枝烹藥鼎  
霞生靈井溉丹泉  
日魂煉就華胥  
國月魄收將不夜天  
紫詔師真歸去後  
未知孰繼大羅仙

遊靈山寺

閑閑雲水訪禪林  
寂寂琅玕映碧岑  
玉桂峯高塵不染  
靈山寺隱境難尋  
媿交白雪勻鋪玉  
間隔黃花亂照金  
清徹古潭秋靜夜  
桂華獨現本來心

遊劉公花園

衆賢邀我賞芳菲  
雨霽清明獨過扉  
倚檻牡丹爭秀麗  
繞庭蛺蝶閉高飛  
風吹柳眼無情意  
雨洗花心絕是非  
萬物盡盛春一氣  
無私普布吐醅醅



贈新中郭四翁

幾人到得白頭翁生老病沉是始終濁穢腥  
羶除壽筭慳貪嫉妬轉昏蒙有憎有愛難超  
世無慙無情定脫空幸有天堂地獄路聖凡  
遠悟總由公

贈雲陽程仙

脩行大畏是頑銅如著頑銅沒行功心起妄  
塵沉地府意常清靜步天宮須依貧樂同類  
子莫要慳貪愛鄧通學取終南師叔馬赤窮

窮地堵環中

贈鄭仙

捨俗幽居物外菴  
潛心滅跡絕論談  
妙除濁穢清貧樂  
用滌無明淡素甘  
蓬戶不扃何所礙  
一點常飲為忘貪  
安神寂默愴然坐  
認透星光日月三

贈韓家郎君在家修行

崇真起善立玄堂  
謹奉朝昏兩炷香  
內侍孀親行孝道  
外持真正合三光  
常行矜憫提貪

困每施慈悲挈下殃他日聰明如省悟也應  
歸去到仙鄉

贈門人安然子等

風子微言啓衆曹等閑休把氣神勞欲求海  
底成多寶須鍊山頭絕一毫心逐有情傷氣  
火意遊攀愛害神刀願公早悟虛華境免向  
人問再一遭

贈楊姑

投玄八十道姑楊一朵瓊花秋後芳玉盞滿

添清靜水金爐  
湏焚慧靈香  
如今已獲將來  
福從此何疑過去  
殃寂湛虛堂無罣碍自然  
寶品現霞光

題孔先生堽中

空門寂寂鎖靈泉  
喜趣靈泉玄上玄  
僻靜每招閑客至  
幽居常共馬風眠  
清涼境界超塵路  
履此方知別有天  
行者肯來低處覓  
便教瞥地見神仙

贈濟州王三校尉

王公吉善愛玄流勸我勤勤倒玉甌積善迤  
於心上起壘功須向性中求利他損已通真  
理忍辱慈悲達妙幽平等順和常大道三人  
同上大神丹

題雲溪菴

雲溪高隱臥煙霞默飲陽精與月華霧歛丹  
臺生瑞草雲收靈腑結瓊葩青龍吐火烹金  
茗白虎跑泉溉玉芽龍虎媾交功九轉刀圭  
一粒捧丹砂

述懷

自慕貧閑探妙機便知身入白雲飛逍遙物  
外超塵網脫灑懷中解垢衣恐損陰功搜已  
過慮傷道德快人非他時九轉丹砂就同約  
三仙從我歸

又

挫銳摧彊作善良頓然心法兩俱忘鼎中頻  
起金剛焰爐內常燃般若香玉藥乍芳惟獨  
採蟠桃初熟與先嘗莫言迢迢華胥國了了

空虛路不長

又

一條捷徑入仙源  
洞口靈雲覆翠巔  
風浪起時揮慧劍  
玄波澄處採金蓮  
蛟龍降去離宮  
卧猛虎擒來坎戶  
眠二物定閑人事  
盡功圓行滿產胎仙

又

為慕仙源景物長  
滌除靈地布瓊芳  
南宮赤子居涼殿  
北海烏龜住絳房  
清靜洞中因白

虎無為山上牧青羊自從鼎內雲收後常飲  
醍醐卧醉鄉

又

寂寥瀟灑道人家守弱隨緣度歲華禦冷  
衣唯紙布克飢淡飯有葠苳忘言淡薄人清  
遠絕慮幽閑道況賒青戀妻兒名利者限臨  
猛悟悔如麻

又

天機深遠少人知一粒刀圭午上持霧捲古



潭秋靜夜雲收碧嶂月明時蛟龍捉得囚  
鼎猛虎擒來鑠坎池煉就仙丹起造化去奔  
蓬島禮真師

又

瑟瑟飄飄風入松遨遊物外與仙同性如朗  
月流青漢心似閑雲任碧空猛虎擒來囚坎  
戶蛟龍降去鑠離宮周天頻起金剛煅鍊  
爐中一粒紅

又

光明一點照樓臺了了無生絕去來七寶山  
頭紅焰滅三宮靈地白蓮開煙霞紫府應將  
到雲路瀛洲去不迴不夜玉京誰有分長春  
仙子四人陪

又

青蛇三尺袖中攜一粒丹砂結正時霧罩清  
溟囚馬子煙籠碧嶂鎖猿兒千朝行滿龍笈  
火丸轉功成虎入池奪得虛無真造化天機  
深遠少人知

又

慾情巧勝染多言悟此方離種種過慾斷情  
忘通妙理煙消火滅達幽玄口張舌舉功難  
就意出心生行怎圓絕了人情無箇事寂寥  
孤淡任殘年

又

真功真行密安排十載殷勤細細裁俗境心  
忘超彼岸凡情意滅到蓬萊地埋寶劍光衝  
斗畔隱明珠暗養胎脩鍊須憑真造化欲窮

造化鍊心灰

示門人

出得俗家入道家恰如平地步煙霞塵寰物  
裏光陰短仙境壺中日月賒落魄水雲真活  
計虛無清靜善生涯常觀無慾人情遠不覺  
爐中結大砂

又

守一真持認內關精勤苦行鍊心端玄元有  
路非容易方寸無塵也不難十二時中常覺

察三千功裏莫欺瞞前程如覓無來去深作  
無人無我觀

又

推彊挫銳做修行滅我降心斷世情默默琢  
磨除俊辨昏昏鍛鍊去猩猩無明起處真靈  
暗柔弱生時道眼明每與無明經閫戰一迴  
忍是一迴贏

又

滅惡除情作善良好將名利兩俱忘山頭潑

殺無明火。靈室常添般若香。塵垢盡除明鏡現。荒蕪如去玉蓮芳。修行莫厭華胥遠。了了虛空路不長。

又

修行須要認靈源。認出靈源一點鮮。情慾永除。超法界。癡癩滅盡離人天。休生顛倒貪。諸有莫起塵心染。衆緣空寂性中無罣碍。自然閑裏產胎仙。

又

虛堂默默熱心香便是吾門真道場走入虛  
空尋自在撥除煩惱覓清涼衆憑離坎安爐  
竈卦按周天鍊白黃永永綿綿依此做功成  
九轉結鉛霜

又

修行休向法中求著法尋求不自由認取自  
家心是佛何須向外苦週遊靈源慧照塵休  
昧應物般般意莫留兩道清風開玉戶一條  
銀燭出山頭

自詠

從初割愛做修持守一清貧志不移竹笠羊  
皮常作伴破氈腋袋每相隨肥羊細酒全無  
愛淡飯殘羹且療飢木碗乞錢新出待衲  
猶是出家時

暢道

雲水遨遊物外仙刀圭一粒斷塵緣真空結  
就三田寶妙用圓成五葉蓮火滅煙消因鍛  
鍊心清意靜為精專逍遙放蕩長真子萬里



飄飄般若船

又

雲水逍遙逐處家  
任他烏兔易年華  
閑中慧水添金鼎  
靜裏靈田種玉芽  
海底養成紅芍藥  
山頭結就白蓮花  
我今說破超塵寶  
本有如如即大砂

又

雲水逍遙物外仙  
閑閑靜靜本來天  
存心滅我開金鎖  
損意忘情折玉蓮  
彼岸岸頭搜竅

妙靈山山裏得良緣丹成九轉清風送解纜  
飄飄般若船

繼胡子金先生韻

修行非易亦非難薄外願真認內閑  
瘡火坑急出離清涼道岸早躋攀  
常觀無欲通玄理妙趣虛無絕愛慳  
清淨無為全在志存心弱固寂寥間

寄姚先生

受人欽重是譚哥結罪重重在網羅  
省過悔

前孽自少知愆不改罪還多心生貪好招災  
甚意着浮華積罪過損損存存低下做未知  
賢聖肯饒麼

藏頭折字

其一

袍布素理幽機甲金庚鍊玉飛氣相交須換  
殷丹運就復更衣開真性頭頭是悟元初種  
種非姪處名師叔鈺蓮四朶步雲歸

其二

頭頭浩浩湧靈泉湛澄澄照上天道要除情  
與慾忘境滅積功十分把捉休邪覓本元初  
合自然鍛鍊成無價寶京重會害風仙

其三

兀騰騰任自然中涌出白花蓮朝鍛鍊無窮  
寶志真修合上天道割除情慾斷刀劈破孽  
因緣莫向靈源掛結神胎管得先

七言絕句

遊華山

攝食塵衣度歲華白雲高卧隱煙霞心香福  
炷靈源起定觀蓮峯十丈華

在淇門鎮為衆人每日求藥因此作  
智術多能巧作愚無為守一養靈珠翛然頓  
覺塵勞夢獨飲無生酒一壺

詠孤竹

一竿碧玉出芳叢直節虛心衆莫同耐雪欺  
霜堅歲月自然時復有清風

詠月桂

綠葉柔莖結翠紅精神朵朵弄晴風歲寒堅  
耐同松竹盡占年光造化功

詠鶴

停停獨立對秋風黑白分明造化功休訝得  
延千紀壽為他頂上結丹紅

三教

三教由來總一家道禪清靜不相差仲尼百  
行通幽理悟者人人跨彩霞

述懷

不會搜空向外尋  
蛟龍猛虎倒頭擒  
朝昏懶慢修香火  
十二時中只禮心

又

昏昏默默探玄玄  
清靜無為守自然  
真性得疑真氣助  
無窮變化可冲天

又

我今雲水是前期  
細細常觀八句詩  
若要延齡增壽筭  
金精專固認真慈

又

一月二十九日飲百年三萬六千場世間盡  
不聞吾事歸去來兮入醉鄉

又

從前頑惡騁騁豪今日存心望孽消十二時  
中常覺察知他天地肯相饒

又

蛾戀燈光焰不知魚貪香餌六如斯蛾魚  
爛君知否好向祇園寄一枝

又



譚馬立劉四箇師逍遙自在做修持周天磨  
鍊無窮寶一片靈光自得知

又

古佛靈巖是我家清涼境界絕憂嗟道人活  
計無他做唯採三光鍊碧霞

又

如今識破戀燈蛾愛餌迷魚戲黑波本是一  
團腥穢物塗搽模樣巧成魔

遊懷川

了了心源萬事休此玄玄外更何求便大  
肚應無染且向懷川任意遊

又

為官清政同修道忠孝仁慈勝出家行盡這  
般功德路定將歸去步雲霞

又

雲耕寶陸三千里月破黃昏十萬家清夜碧  
潭澄皎潔畔吞銀燭產胎砂

贈張殿試

百歲光陰如閃爍  
殷勤爭似修仙約  
假饒一舉狀元歸  
正悟黃梁夢裏錯

五言律

贈長安趙先生母

牙髮重生黑  
迨齡三事因  
至誠遵道友  
精謹奉高真  
靜意橋猿馬  
清心聚氣神  
處端聊拜上  
稽首壽長人

勸衆修持

聽我洗心方  
脩然滋味長  
無無中妙用  
有有

內含光人被慾情染情生神氣傷人還情慾  
斷步步履仙鄉

五言絕句

勸衆修持

學道假除假修真空鍊空本源歸一處明月  
與清風

又

酒色氣財盡憂愁思慮忘攀緣愛念絕五葉  
玉蓮芳

又

大道常清靜無為守自然自心不迴轉何處  
覓言傳

又

獨坐若環菴孤清味最甘翛然無一事默默  
守三三

又

採得波羅葉製成般若茶湯澆清淨水吸罷  
見黃芽

又

常觀慾為苦瓦礫變黃金觀身如糞土明月  
照瑤岑

又

心生清爽少語默氣神和清淨消諸孽無為  
解衆魔

詠曉雞

啼落城頭月呼將日出東妙哉真德行喚覺  
夢中翁

戒筆

絕筆塵方盡忘言道可親  
壁開真道眼損了假精神

頌

其一

學道修真與世違孤身飄逸斷蓬飛  
隨緣且過消前過視死如歸一不歸  
垢面蓬頭摧壯銳羸衣淡飯遠輕肥  
常清常靜無為作十二時中暗察思

其二

把捉詢予付少言本來無法可相傳是非絕  
盡方通妙人我俱忘始悟玄清靜貧閑為伴  
侶氣財酒色似離冤今生若要登雲路不合  
虛無不得仙

又

寶殿玲瓏倚碧空端嚴慈像瑞雲籠三千功  
裏勤香火十二時中禮聖容真體垢除因鍛  
鍊靈嚴煙散為玄風閑閑鼎內雲收處一粒



丹砂結就紅

又

十年常默默今日露玄機水生赤鳳子火養  
黑龜兒清風吹嶽頂明月照寒溪降魔神劍  
親傳得捉住蛟龍把尾提

又

心涼腎熱得修持悟此方知達妙機十二時  
中無作用馬猿放蕩損靈芝

又

毛吞大海誰人解芥納須彌幾箇知日用居  
常知損益功圓行滿見菩提

又

酒色財氣一大關意情滅盡出塵寰絲毫莫  
向靈源掛如掛靈源不結丹

又

六年鍊盡無明火十載修成換骨丹湛湛虛  
堂無罣碍已知跳出死生關

又

恰十年來學得痴騰騰兀兀任東西欲詢風  
子修行事垢面蓬頭火滅時

又

野鶴孤雲無伴幽玄至妙忘談默默昏昏獨  
守湛然秋月寒潭

贈薛八郎

又

靈物常閑假身不病清淨自然性停住命

雪山六載面壁九年道非容易成佛成仙

贈穆先生

太華山陰穆老仙專持清靜探幽玄修補祇  
陀無漏園常流慧水溉心田擒猿縛馬翠峯  
巔定觀不用買山錢捨俗投玄心契悟善惡  
之由夙世緣心香福炷起靈源杳杳冥冥達  
上天秋月碧潭真了了野花啼鳥譟喧喧鼎  
中火滅開金蘂木上無煙結玉蓮壘功積行  
滿三千性圓丹結去朝元

歌

其一 無相

採得玄珠非貨貝靈山一道香煙快熏成無  
漏步無生五道霞光攢慧蓋這靈靈處處在  
妙用虛空無內外無有皆空空亦空法相果  
因俱深愛種種離超三界覺即如來頓明解  
尋文理義謾區區說聖談賢還捏恠不修完  
無毀壞境滅心忘觀自在恒沙瑩徹則塵埃  
出入無疑為妙最獅子兒祇園內怒吼狐狸  
安敢對明月堂前玉蕊芳氛氤結就金蓮會

點惺惺祛聰解本來自有何須買山頭浩浩  
涌靈泉流出虛空無證背遇重陽明教誨也  
無進兮也無退自從入妙認貧閑便知減了  
前來罪絕討論去知解藏伏光輝如暗昧任  
他烏兔兩忙忙且這隨緣寄皮袋

其二骷髏

骷髏骷髏顏貌醜只為生前戀花酒巧笑輕  
肥取意歡血肉肌膚漸衰朽漸衰朽尚貪求  
貪財漏歡不成收愛慾無涯身有限至今今

日作骷髏爾聽取七寶人身非易做須明性  
命似懸絲等閑莫逐人情去故將模樣畫呈  
伊看伊今日悟不悟

其三 落魄

我落魄我落魄源身紙布為衣著擺手行來  
萬事忘且喜一身空索索飢時餐困時睡元  
初本住清涼地慧劍輝輝奪日光無限邪魔  
皆遠離樂真閑成真趣邪逕荒涼我不去真  
靈別正漸分明超然走上煙霞路得真修應

了徹實即得時無可說水晶宮殿鎮安閑勘  
破春花與秋月

又

我落魄我落魄衲布衲衲常恁著信意飄飄  
物外遊到處空空無倚托或居山或城郭不  
會書符并貨藥飢即巡門覓一餐飽來萬事  
齊拋却處閑閑無用作人情細細須除削龍  
虎嬰姁總不能默默醅醑常飲酌不作善不  
生惡坐卧去來空索索一片清閑冷淡心從



他四大任淪落絕關機無忖度不望乘雲與  
跨鶴逍遙自在逃貧閑贏得隨緣恁安樂

繼丹陽師叙丫髻吟韻

鍾呂海蟾為宗祖擊玉鍾兮動金鼓撞透中  
間一點明跳出靈童當面舞我恁喬不是喬  
喬話其中隱不喬真正言無諂語絕盡塵埃  
機與慮提离男挈坎女將領黃婆遊淨土住  
與行坐與睡或披氎或紙被靜靜清清常恁  
地半如癡半似俏癡俏中間還自曉這般消

息少人知一味清虛寂淡宜喜是嘖嘖是喜  
顛倒元來我是你千磨萬鍊見元初了了了  
心方到底

示門人語錄

凡人輪迴生死不停只為有心得山云心生  
則種種法生心滅則種種法滅若一念不生  
則脫生死何為有心蓋緣衆生有貪嗔癡三  
毒孽無明心師父云跳出三山口是也悟人  
所以修行割情拚愛摧強挫銳降伏除滅衆

生不善心要見本來父母未生時真性本來面目是也何為不善心一切境上起無明心慳貪嫉妬財色心種種計較意念生滅不停被此孽障舊來熟境朦昧真源不得解脫要除滅盡即見自性如何名見自性十二時中念念清靜不被一切虛幻舊愛境界朦昧真源常處如虛空逍遙自在自然神氣交媾沖和修行如了此一事更有何生死可怖更有何罪孽可懼如稍生一念不為清淨即是罣

碍不名自在如何到得只要諸公一志如山  
不動不搖向前去逢大魔盡此一身永無迴  
顧前期必了晋真人云心清意淨天堂之路  
心荒意亂地獄之門

水雲集卷上

水雲集卷中

崑崙山長真子譚處端述

酹江月

吾門三祖是鍾呂海蟾相傳玄奧師父重陽  
傳妙語提挈同超三島慢慢搜真靈根固養  
漸吐黃芽草無中還有慧風時送嘉耗一  
點瑩徹無窮週遊沙界物物圓明好種種皆  
空歸本有內外般般顛倒此理幽深清虛縹  
緲行者人須到昏昏默默暗中賢聖知道

又

自然之道稟根元真正精神圓聚一點靈光  
無內外明徹輝通玄戶寂淡偏宜貧閑最好  
物外逍遙處長長不昧湛然神室常住無  
論妙奧難窮須憑慷慨認把元陽固搜取天  
真勤鍛鍊觸處般般迴顧火裏蓮生山頭燭  
滅端的緣相遇風仙重會共遊三島雲路

又

一靈真性又因何樣入凡胎塵域迤染浮華

貪心戀展轉昏迷真跡曠劫難逃如今又錯  
罪孽重重積本來模樣怎生分解尋覓須  
屏視聽雙泯捨情雲水物外搜玄理寂寞孤  
清趣妙有豈顧形軀沒投捉住風颺玲瓏輝  
煥默默烹金液神丹昭著死生煩惱寧息

又

玉花漸吐被清風催結金蓮光聚歷劫昏迷  
齊照破直透無為門戶七返迴光三空覺照  
間隔金花處殷勤鍛鍊自然嬰姪常住此

子端的幽奇自從下手永永基堅固蓮結瓊  
芳靈蕙長深感慈悲頻顧鼎內雲收爐中丹  
結九轉終重遇參師雲步會遊蓬島仙路

詠竹

愛君嘉秀對雲菴親植琅玕叢簇結翠筠稍  
津潤膩葉葉竿竿柔綠漸胤兒孫還生過母  
根出蟠蛟曲瀟瀟風夜月明光透節玉雅  
稱野客幽懷閑窻相伴自有清風足終不凋  
零材異衆豈似尋常花木傲雪欺霜虛心直



節妙理皆非俗天然孤淡日增物外清福

上元夜觀月

上元佳節正一輪西步天梁飛躍素魄當空  
澄湛湛獨現寒光無着浩彩乾坤無私遍照  
萬古無瑕膜渾如寶鑑瑩然懸向廖廓姑  
射絳闕瓊樓群仙赴會雲墜停鸞鶴瑞氣祥  
煙籠寶殿金碧霞輝交錯爛醉蟠桃彩雲歸  
去殊袂飄香絡嵩山遙對爛銀盤裏期約

題酒

杜康得妙釀三光真秀清澄醇耐太白仙才  
乘興飲一斗佳篇百首倒載山翁襄陽童稚  
笑唱齊拍手陶潛籬下醉眠門外五柳東  
里生死俱忘待賓截髮陶母款賢友文舉無  
憂樽滿酌香醕頻開笑口喜遇堯年醉鄉豐  
樂古所希聞有玉壺春色祿延益筭眉壽

神光燦

譚哥昔日贍養家緣積孽有若山丘因遇仙  
師東歷海島三州勸誘頑愚向善悟輪迴捨

愛迴頭隨緣過守清貧柔弱雲水閑遊因  
過懷州仙府後閑行貴縣時遇深秋迤入嚴  
冬寒冷得避無由不免化紙布望諸公念  
憶同流如省悟結雲朋霞友物外同修

又

長真稽首遍覆諸賢修行只要心堅戰戰兢  
兢日上常恐生愆淡素清貧柔弱未安寧休  
做詞篇真功行在推強挫銳寂寞忘言無  
則巡門乞化對人前休騁俊雅風顛藏伏光

輝然默鍛鍊丹田千朝功夫做就這些兒暗裏相傳功行滿跨祥雲歸去朝元

當初學道迤入玄門逍遙物外優游占住菴兒日夜不免尋求殷勤來來往往惹塵勞怎悟真修這踪跡看何時功滿得赴瀛州瞥地廓然猛省勘元初一點有甚閑愁落魄婪耽雲水恣訪仙傳有似開籠俊鷄又還如解鎖猿猴我去也把般般打破便休

奔名逐利愛慾牽纏昏昏轉轉迷蒙虛幻浮

華不覺暗易顏童百歲雲間電閃限臨頭那  
肯從容不肯悟到如斯悔懊箇箇還同速  
悟前途險路早迴頭步步却入仙宗袍布青  
巾結交霞友雲朋休愛他搜密妙認靈源蓮  
結丹紅趣真處翫山頭明月清風

茫茫苦海逐浪隨波便宜識取抽頭恩愛妻  
兒都是宿世冤讐因循浮華光景把元陽拋  
撇無休限到也看賢家着甚計脫冥幽不  
悟如斯戲論騁機關日夜計較貪求頃刻輪

迴千生萬劫沈流猛捨投玄入妙免三塗六  
道經遊早下手與風人物外結取朋儔  
茫茫苦海逐浪飄淪癡如蜂窠蛾燈一向迷  
迷妻妾兒女恩情遭他恁般繫絆限臨頭獨  
赴泉冥如省悟棄浮華思愛處靜修行  
細塵情踈減漸棲心養氣隱跡埋名淡飯羶  
衣默默保鍊靈明迤而真人現也向無中金  
玉成形大丹熟這一靈真性永永存存

贈穆先生

修行門戶叙次通知先須屏子休妻猛捨塵  
情寂寞瀟灑相宜熱則街前展手禦寒時紙  
布為衣隨緣過守清貧柔弱火滅心休日  
用擒猿縛馬處無為清淨暗契真師境滅心  
忘神凝氣結靈芝得得逍遙自在任詩詞勸  
誘愚迷功行滿指蓬瀛路穩跨朵雲歸

贈趙先生

趙仙入道猛烈投玄割除煩惱悟浮華對境修  
持不若火長蓮花予今誠言少付遇戈矛寬

水雲集卷中 六  
納教他若有病便菴中如死也莫還家 常  
傲如斯堅志管聖賢暗裏照鑒無差火滅煙  
消靈腑自吐黃芽無私性停命住意心清玉  
結丹砂功行滿赴蓬萊鶴引彩仗雲霞

贈張九郎

天堂地府善惡由心死生迷悟爭先悟捨家  
緣忘心展手銜前淡素清貧柔弱任雲水遊  
歷飄然持堅志守天長地久永永綿綿 舊  
孽如將消盡定聖賢玄妙暗裏相傳意淨心



清自是寶結丹田若有分毫故犯返招殃罪  
孽難言知了了赴蓬萊三島做箇神仙

寄長安馮師兄

勸人行善自做修行兩般於道相宜須避俗  
中鄉土且要相違妙藥沈疴救護更不擇貴  
賤高低自然理做龐西師父戒行行持修  
鍊須憑猛志似大川山巖安穩無移外行周  
圓他日得慶無為雲水逍遙自在氣神和功  
行雙齊大丹熟指蓬瀛穩路携朶雲歸

寄長生劉師兄

處端稽首上覆劉仙一別倏忽三年每遇臨  
風對月思渴高賢忽爾遽承教字方就審法  
候安然弟且喜無勞蔭錄存念綿綿自愧  
塵緣未斷在磁洛兩郡且恁隨緣不果來期  
希恕老拙無愆首春即當拜覲履高秋願素  
不宜處端望師兄通妙几前

滿庭芳

歎昧成家慳貪積富靜言獨坐思量養他數

口罪孽自家當催促光陰似箭纔青鬢  
衰蒼百年裏誰人盡數兀兀謾羅張  
聞早悟知愆悔過速改行藏向閑中  
福消殃更有高明大志拋韁鑠物外  
飄颻修  
行好遊山翫水日用藝心香

煙歛雲收蟾孤秋靜湛然獨顯希夷常從坦  
蕩默默飲刀圭寶鼎祥煙攢聚氣神會結就  
靈芝閑遊好飄飄雲水物外訪相知  
緣分過飢來覓飯逐處投棲任忙忙  
烏兔物隨時

換星移且恁塵中閑散功成後別有師期將  
歸去一輪明月獨步赴瑤池

吐這憨牛頑狂性劣侵禾逐稼傷蹂鼻繩牢  
把緊緊力須收舊習無明常亂加鞭打始悟  
迴頭忘思處孤峯因卧默默萬緣休 漸攀  
前步穩芒兒閑散心意何留趙雲山自在真  
樂譌謳箴笠閑堆古岸短笛弄新韻悠悠黃  
昏後人牛歸去唯見月當秋

莫覓東西休搜南北玄真只在身中萬緣齊

斷神氣始和沖祇要君心慷慨慧刀舉劈破  
昏蒙還知否般般撒手性命可圓融 真空  
離色相閑閑裏慢慢休惓惓妄耽布素物  
外飄蓬飢則巡門覓飯飽來後明月清風逍  
遙處哩唼囉唼落魄恁西東

贈濬州王三校尉

蛾戀燈光蜂貪花蜜問君終久如何欲成修  
鍊須出黑風波慧劍攀緣割斷離鄉土建却  
娘哥煙霞客水雲步穩隨分養天和 消磨

除舊孽婆脫布素信任磨拖興詩詞吟詠古  
誕辰歌古往今來達士自家與無少無多神  
仙話休論蓬島似是上高坡

贈福昌縣趙殿試

儒業尊高文章顯貴算來世路榮奢苦心勞  
志求望步雲霞假使登科攀桂黃糧夢空悟  
咨嗟無常到相如老杜着甚理逃楚浮華  
須勘破塵緣擺脫物外生涯趣閑閑雲水保  
鍊根芽得得心清意淨三光秀凝結丹砂功

成也三清舉過超上大羅家

水龍吟

欲修無上菩提便合下手須頭段莫令帶水  
拖泥土粘惹些兒縈絆生死明來也全無在  
自家決斷把凡胎濁骨煙霞路上輕輕漸都  
抽換步步清涼彼岸趣閑閑忘機休弄煙  
消火滅冰凝玉結長生侶伴自得真空妙玄  
因作無人我觀待丹成九轉重陽再會遊蓬

萊館

又

本初一點來時幸然體態淳和好迤生增愛  
緣塵蒙昧無窮真實箇箇人迷到如斯盡逐  
情生老把仙胎容易浮沉苦海隨波浪成虛  
耗速悟輪迴返照把塵心須當顛倒煙消  
火滅永凝玉結長生芝草默默忘論討常堅  
守自家爐竈向三千功裏殷勤鍛鍊定將來  
了

世傳海有三山內藏羽化仙芝草秦皇信此



使令徐福東遊蓬島雲水風濤浩浩男女舟  
中成老望仙源縹緲煙波杳杳肝腸斷何時  
到 堪嗟人迷顛倒謾區區空生煩惱不知  
自起妄塵遮礙先天真寶頓悟家緣掉守清  
淨無為功了得心清意靜性圓丹結餌仙芝  
草

瑞雲捧出三峯上真下化宸遊地祥雲深鎖  
瓊樓寶殿琳宮幽邃萬頃嵐光裏依稀降玉  
泉蓬水望仙人掌上彎彎初月常晶瑩無瑕

水雲集卷八  
十一  
翳 碧嶂層層蒼翠亂峯顛猿叫鶴唳我來  
感歎塵中羈絆恩情名利滾滾甘隨逝波流  
轉幾人攀躋現停停雲漢安然不動作陰陽  
髓

如夢令

鏡藥收來守拙不遇知音難說古鑑要予磨  
點處便交光徹歡悅歡悅袞出一輪明月

又

竹笠竹冠竹挽與我日常為伴坐卧去來空

便是清涼彼岸風  
漢風漢日月輪催不管

又

只把靈臺頻掃  
惜取自家真實火裏長蓮花  
便是修行玄奧  
顛倒顛倒境滅心忘了

又

一片靈空為伴  
因把慾情割斷  
日上鍊虛無  
常住神堂古觀  
風漢風漢此外別無手段

又

隨分養營皮袋坐卧去來明快境上樂閑遊

此子無生罣碍忍耐忍耐占得逍遙自在

又

物外遨遊落魄步步清涼雲脚閑裏弄虛空  
別有蓬萊期約這着這着細細人情除削

又

大道無名無說休憊謾生分別火滅與煙消  
便是良辰佳節宜拙宜拙認取春花秋月

又

大道根元歸素絕盡人情思慮火滅與煙消

認取元陽收固此做此做便是長生捷路

又

因遇重陽師父引入全真門戶慧火鍊靈空  
不敢胡行一步一步一步一步近如一步

又

清靜無為做徹高下休生分別滅盡我人心  
自有真師提挈提挈提挈雲綻家家明月

又

日用滌除塵垢擒縛馬猿不走展手向街前

守一不生貪構貪構貪構怎得功成行就

又

不染俗情非是不慢下貪趨貴不敢受人欽  
自在逍遙雲水雲水守一無為徹底

又

休訝弟兄不喘只要人情疎遠不敢受人欽  
不喜輕肥杯嚮舒展舒展鍛鍊丹砂九轉

又

落魄無拘野叟自在逍遙閑走他日返家山

重會雲朋霞友知友知友共飲蟠桃仙酒

又

日用靈光內鎖保護真心不破金玉得凝澄  
生死無由近我功果功果歸去獨携雲朶

寄潯州道友王四郎

傳語潯州道友休戀隨情花柳最好逐譚風  
保護形軀不朽不朽不朽共飲長生仙酒

贈王三校尉宅三姑姑

欲做俗中修煉先滅我人分辯柔弱守清貧

堅志始終無變真善真善損已利他方便

贈修武賈信實

入道先生姓賈日用持心低下要見本來真  
閑裏擒猿捉馬擒耍擒耍湏効譚風害痘

贈張李二公道友

堪歎浮生不久盡迷氣色財酒頓悟脫塵緣  
共結雲朋霞友知友知友保護身軀不朽

贈閬鄉縣酒賈

深愛賈公吉善水雲遊歷玄便他日處無為



得得虎龍交戰交戰交戰丹結永除千變

述懷

一點靈光不昧出入往來無礙處處現圓明  
物物頭頭應解寧耐寧耐萬禍不能侵害

西江月

後我盡因心意滌除般若玄機不勞南北與  
東西方寸許兒便是寶鑑塵埃蒙昧須從  
磨鍊輝輝光明一點照無為直入蓬萊幽邃

又

學道休於外覓靈苗出自心田鐵牛耕透見  
根元全在殷勤鍛鍊認證元初面目端身  
勿使邪偏六鈞弓硬拽來圓箭箭紅心有驗

又

頓悟輪迴入道時中鍛鍊綿綿存存損損忘  
專專要免將來流轉火滅蓮開五葉煙消  
玉結三田欲超無上離人天了取空虛古殿

又

欲入全真門戶行住坐卧寂寥存心乞化度

終朝塵事般般屏了  
莫論黃芽白雪休搜  
龍虎嬰嬌色財無掛  
火煙消便是蓬萊三島

又

堪歎光陰迅速  
日生思慮憂愁  
愁愁甘作逝  
波流迷戀氣財色酒  
日月暗催人老利名  
不使心休爭如放下  
觀山頭明月家家盡有

又

寒後添些紙布  
飢來展手巡街  
殘羹冷飯且  
充齋柔弱清貧遠害  
萬禍皆因心起無心

無禍無災自從心定守真胎雲水道遙自在

又

寒後添些紙布飢來乞覓殘餘野情喜不擇  
麤疎且要遮形植肚自嘆愚蒙過甚徒勞  
設藥防拘從今放下樂清虛做箇憨憨暮故

又

作伴修行未是飄飄物外行持孤雲野鶴任  
東西何有些兒礙滯淡飯尋他兩頰清清  
淨淨無為寂寥瀟洒最相宜別有一般滋味

行香子

得得無修無惑無求放心閑無喜無憂逍遙  
自在雲水閑遊趣空中玄玄中妙妙中幽  
落魄婪耽垢面蓬頭恣陶陶真樂歌謳隨緣  
一飽真箇風流這般來無無來有有來由

又

朝也防心暮也防心恐心生熟景來侵多能  
術熟讀書慕琴更不生貪不着愛步遙岑  
善也由心惡也由心善心閑惡意狂尋心生

虛度日月光陰便如雲行如水去訪知音

雲霧歛

匿光輝認愚鹵兀兀騰騰閑裏尋閑步垢面  
蓬頭衣縑縷乞食忘慚方稱煙霞侶絕驕  
矜趣真素不受人欽不擇貧卑處認丹陽師  
父語了了惺惺功滿歸蓬路

做修持休輕侮認取雲中細細清清雨淨淨  
冷冷靈芽吐心外尋求謾了虛辛苦坐與  
行卧與住閑裏閑投閑暇逍遙做結就金花

開玉戶一道光明直射無為路  
告行人聽少訴着假求真也好迴頭顧勘驗  
行藏休慕故不合虛無怎得蓬瀛住認元  
初歸瑩素動拭靈臺勿使塵埃汚心上貪嗔  
癡盡去暗裏功成有箇真師度

臨江仙

得得全真真妙理無為無作無修自然清淨  
行功周祥雲圍絳闕瑞氣繞瓊樓心似閑  
雲無罣碍身同古渡橫舟真空空界可相酬

白牛眠露地 明月照山頭

虛幼浮花休 苦戀南辰北斗頻移暗更綠髮  
盡成絲 百年彈似夢 七十古來稀 奉勸人  
人須省悟 輪迴限到誰知 修行宜早不宜遲  
從前冤孽罪要免速修持

稽首吾門諸道友 降心向外休尋尋 閑容易  
費光陰 修行何是苦 不了我人心 滅取無  
明三孽火 勿令境上相侵 本來一點沒昇沈  
真閑如得得 得步步上高岑



連理枝

浮世愚癡輩一向貪名利愛海恩山拘繫鎮  
迷酒色財氣筭榮華富貴電中光好迴心改  
悔 早早尋出離默默搜玄秘寂淡貧閑隨  
緣度日道人活計守無為清淨行功周赴瑤  
池宴會

贈京兆友安王解元

太原公疾苦聽予告切聖賢待把伊提挈好  
休歇筭人生七十五古來云少看看到也做箇

放下決烈 割攀拽 超閑閑 歸瑩素 安恬養拙  
認靈源 鍊磨明徹 從前孽 向三千功裏 徐  
徐消滅 青山綠水 五人共賞風月

贈獲嘉王法師

譚風偏喜王三父 夙世良緣休更推 延妻惡  
兒嫌出世 鄧修行外用無為 作囚馬擒猿  
不返家園 定做逍遙物外仙

薦山溪

修行鍛鍊 休覓嬰和姹 認取本元初起塵埃

須除莫惹常生正覺宜向觸來看絕人情去  
浮囂俗事般般捨長行坦蕩閑裏調和假  
空裏做真修任清清冷冷脫灑日中靜損真  
正合虛無樂道遙趣閑閑步步無生也

鄧中碌碌虛幻名和利休恁苦勞心鎮區區  
傷神損氣迴頭是老悟即便抽身排榮華絕  
財色樂道超浮世恩情愛戀鼎內如魚戲  
休論早修持甚一日推他一日風人低勸微  
語破迷癡早下手速為之做箇前程計

青玉案蜀馬

師真引入修行路默默無言句慢慢持修歸  
真素般般返照盡成空馬兒悟證內外無塵  
慮 真清真淨投真處細細搜尋妙玄趣勘  
破浮華清虛做降魔劍斷孽緣休馬兒度步  
步入長生戶

阮郎歸

詠茶

陰陽初會一聲雷靈芽吐細微玉人製造得  
玄機烹時雪浪飛 明道眼醒昏迷苦中甘

最奇些兒真味你還知煙霞獨步  
閑閑雲水任東西靈空一片隨昏昏默默往  
來飛前程事已知真大道出塵機般般種  
種離重陽許我白牛兒而今便是誰

卜筭子

四大因緣做苦海憑船渡一棹清風到岸頭  
得上無生路人歎風貧苦我步閑閑趣脫  
體全空沒一文勝似石崇富  
自入玄門戶寂淡清虛做靜裏披搜四假身

勘破塵行路 悟上還重悟得得真閑趣收  
住身中無價真豈逐人情去

風漢閑中做彼岸神舟渡萬里晴空無片雲  
月照曹溪路 割斷冤情苦默默明玄趣一  
任傍人笑我貧肚裏非常富

水雲集卷中

水雲集卷下

崑崙山長真子譚處端述

沁園春

愛欲無涯有限形軀休苦苦疲這宿緣分有  
兒和女是他家衣飯各自相隨謾使心機空  
生計較大限臨頭孰替伊當須悟早抽身物  
外也是便宜蹉跎下手猶遲切莫外週遊  
覓妙微但塵心起處皆魔孽認元初本有鍛  
鍊昏迷真靜真慈玄波滌蕩自在逍遙境上

持千朝後現靈臺一點光射無為

虛幻浮華百歲光陰歎一刹那謾區區碌碌

爭名利縱榮華富貴貪得如何蜚氣樓臺虹

橋碧落幾子時光長久麼聞強健出熬熬苦

海速上高坡 聰明切勿蹉跎算世事皆空

身莫過認元初本有無窮寶染塵埃蒙昧慢

慢揩摩保養靈根頻頻澆灌水間金花結玉

柯超生滅這本來一點無少無多

好沒來由名利區區幾時盡頭算榮華富貴



名高位顯妻兒艷女肯做持修冷淡玄門清  
虛妙道苦滯難行孰意留修行路悟輪迴生  
死有分仙流除身盡是閑愁猛割斷冤情  
去便休頂青巾布素隨緣度日逍遙雲水物  
外遨遊閑裏尋閑損之又損火滅煙消絕外  
求將歸去這鄮都路變蓬島瀛洲

自古愚賢日月輪催盡沉下泉歎張陳義斷  
因名利恣奢華後主破壞家園楚廟江邊漢  
陵原畔勢盡還空皆亦然英雄輩盡遺留壞

塚衰草綿綿

嗚呼往事堪憐  
添虛幻浮華

逐逝沿又爭如省悟  
夢夢趣貧閑  
歸素保煉丹田  
越轉輪迴超昇  
苦海直上清涼般若  
船逍遙岸會玄朋  
瓊路同訪桃源

倏忽光陰四大浮空  
是非久堅這輪迴  
誰保朝昏撒被家緣  
恩愛繫絆遷迴  
一箇真靈千生萬劫  
苦海浮沉逐孽緣  
當須悟在伊家  
慷慨生死爭先  
聰明切聽微言  
好放下閑愁  
搜妙玄認貧閑  
寂淡休生惡勘  
元初一點探

出新鮮真正無私常行平等坦蕩逍遙任自  
然真功行向閑中慢慢積累成十

望海潮

全真大道無為清淨重重障碍堪嗟每嘆自  
緣招且不免閑遊雲水他處無念謗誹邪願  
人人早悟急景浮華道祖西昇去尚猶避過  
流沙 歸地肺復仙家會雲朋霞友真樂無  
涯虛堂宴賞蟠桃爛熳瑤卮共飲流霞滿座  
戴瓊花得玄玄結正一粒丹砂此際功成行

滿同泛渡雲槎堪嗟浮世誰能省悟人入俗  
境迷遮顏貌日衰殘由尚苦貪求愛戀嬰娃  
慾海浪途賒被二輪催促易髮霜華忽爾無  
常限劃着甚理逃趨爭如悟速拋家屏塵  
緣外絕內固根芽三千密要陰功八百真誠  
鍊行無差雲水步煙霞認三光真秀凝結丹  
砂異日功成去也牛斗泛靈槎

恣逍遙

自慕貧閑素來懶惰憨憨地並無災禍殘羹

冷飯全無煙火喫一盃肚暖則箇他是他  
非於予可可眼前事近來識破騰騰兀兀隨  
緣且過恣逍遙住行坐卧

卜柯子

頻別靈明燭勤磨智慧刀萬緣一豁絕絲毫  
鍛鍊元初終始莫辭勞水底霞光起山頭  
雪浪拋虎龍蟠鼎遶週遭鍊就仙丹步步上  
青霄雲去南山靜風來渭水寒凌波凝結  
一團團萬里晴空清爽此時觀雄劍鳴開

匣人頭落玉盤一輪明月上攔杆了了從斯  
心意始閑安

黃鶯兒令

活鬼活鬼日日常鄧爭名競利為戀他好女  
嬌兒把根源輕棄早早不肯尋出離大限  
來何計想你也沒分昇天却有緣入地

菩薩蠻

慧刀揮處人頭落虹霓萬道衝雲脚滅盡我  
人心何勞向外尋白蓮生火裏法忍無生

死忍辱兩皆空龜毛兔角同

瑞鷓鴣

修行休覓虎龍兒只要靈明識本機  
昏則彌陀成外盜悟來煩惱是菩提  
常披已過心明顯唯見他非性轉迷  
打破般般休歇去虛堂深處伴牟尼  
修行休覓虎龍兒火滅煙消財色離  
內鍊氣神成九轉外除情慾却三尸  
居常休話他長短處靜宜搜自己  
非長使靈根無罣碍自

然證果佛菩提

修行頻別性中燈照破從來闇裏昏物物頭  
頭休染著昏昏默默絕言論超凡入聖非  
由我地獄天堂總在君唯有一條真正路居  
常牢閉四城門

人人學道慕腥膻嗜酒迷花罪孽纏心慕腥  
膻傷物命意生貪愛損根源唯論藥術矜  
能解豈信金科秘妙玄如悟本空休歇去一  
齊放下學修仙



修行心鍊似寒灰放下癡貪氣色財人我怎  
生成道果是非難得產真胎無明滅盡朝  
金闕情慾俱忘拜玉堦修鍊直須煙火滅為  
心低反有蓬萊

本來真性是玄機只在靈明悟得時火滅煙  
消成大藥境忘心盡見菩提虛閑清淨真  
仙路寂寞無為出世梯一法不生無罣碍修  
行唯是這些兒

修行須唱落花蓮損損閑閑任自然日上莫

談他事短時中頻整自心偏 休離方寸搜  
丹藥莫外週遊覓妙玄長使靈臺無一物便  
成九轉產胎仙

修行非易亦非難應物慈悲認內閑意上有  
塵山處市心中無事市居山 常耕清淨田  
三段定守無為舍一間地久天長專一志自  
然結就紫金丹  
莫言容易做修持損損存存恐礙遠兩飯慮  
頻侵道友一錢外恐損希夷 衆中戒口忘

矜俊獨坐方心斷騁馳十二時中常返照猶  
疑暗察有無私

贈王公雲庵

王公幽隱遠佳餐保護靈根守內閑意上有  
情山處市心中無慾市居山順神須要常  
溫暖鍊氣功成拒暑寒專一始終無變異自  
然凝結寶琅玕

贈郭公

休心損事養根源寂淡清虛守自然積德仁

風師孔孟僻潛高潔傲顏原 定觀明月三  
秋夜妙趣玄風九夏天詩酒琴書誰可並野  
夫常許似龍眠

望蓬萊

真大道損損做修持到處受人欽供養得便  
宜是落便宜步步入青泥 為貧漢寂淡莫  
相違外貌常教人見畏內容默默採靈芝指  
日赴師期  
聽咨告少事要君知萬事苦求終害已得便

宜是落便宜伶俐不如癡 真修鍊心外莫  
行持祇據眼前為見在自然煩惱不隨步  
步入無為  
行大道認取坎和離一點來時顛倒處兩般  
消息與搜拔玄妙不難知 休外覓識取自  
菩提有相身中成鍛鍊無為路上證牟尼指  
日跨雲霓

全真妙無我亦無人無作無為絕視聽謙和  
柔弱沒疎親寂寞守清貧 玄玄處得得好

良因一點無生貞自在湛然常寂本來真功  
滿列仙賓

長真子日計旋尋求隨分隨緣消舊業閑愁  
閑悶一時休明月照山路常澄湛無證亦  
無修自在不居因果界逍遙穎脫出沉流功  
滿到瀛洲

滿路花

因師超苦海捨俗探幽玄頓居歡喜地認真  
閑是非人我豈論與愚賢步步清涼路信任

遨遊兀誰知恁恬然也無心遠望神仙到  
了分隨緣堯年豐歲稔謝皇天水雲活計只  
覓一文錢損損閑閑趣寂寞無為任他歲月  
綿綿

重陽佳節至雲水寄天涯玄朋邀共飲賞黃  
花特臨雅會南望翠煙霞極目嵐光裏隱約  
依稀瑞雲深處仙家任陶陶暢飲喧譁觥  
泛笑擎誇樽前唯對酒喜何如浮金漱灑默  
默採靈葩飲罷還重勸不醉無歸月明初上

憲紗

上無三瓦舍下沒一犁田水雲真活計且隨  
綠街前展手化箇有緣錢以前字以寓其意獨步歸來  
晚萬里晴空卧聽虎嘯啼猿趣閑閑真樂  
無邊一派滾靈泉鼎中真火降汞凝鉛虎龍  
蟠遶真秀結根源默默無為坐獨守孤峯一  
輪明月流天

搗練子

搗練子具如何從前罪孽暗消磨囉哩唵哩



唵囉後初得認波羅色財勘破撲燈蛾囉哩  
唵哩唵囉

又

聽分割這風哥尋常只恁囉哩囉囉哩唵哩  
唵囉此兒話不須多交賢會得笑呵呵囉哩  
唵哩唵囉

清淨法越婆婆神舟穩駕渡沉波囉哩唵哩  
唵囉早下手出迷河伊還不悟轉嗟陀囉哩  
唵哩唵囉

浮華事夢南柯流年電閃下輪波囉哩唛哩  
唛囉早脫離出漩渦兩輪日月疾如梭囉哩  
唛哩唛囉

風人唱破迷歌迴心與我見彌陀囉哩唛哩  
唛囉十搗練要調和恩情慙愛是冤魔囉哩  
唛哩唛囉

漢宮春

甲子天元遇明朝聖代神仙出世仙師密遣  
故我水雲東歷山途路遠渡難阻崑崙迢遞

惟念念人人未悟虛華戀著家計輪迴景  
苦省悟照前賢作用如何脫離塵緣昇絕漸  
迤可親玄理功成氣結得指日身超仙位歸  
去後鸞鶴引赴蓬萊真會

歌入無為樂閑中閑裏秋這兒唯論目下  
未來已往休披常行坦蕩遠財色人是人非  
新來恁怡怡內樂境上無掛毫絲昏昏默  
默得也向無中捉住真箇根基惺惺灑灑無  
用無作無持頭頭返照自然理觸處暉暉誰

會得清風皓月湛湛兩箇人知

自慕貪閑便摧強挫就柔弱和光塵緣頓捨  
慧燭朗藝靈房七門返照用七寶密密鋪粧  
擒猿馬邪生智巧鍛鍊列另端行清淨自  
然守守守無為常善一炷心香平康宴樂玉  
液酬泛瓊觴雲朋霞友笑誼譁金玉玳瑁人  
去後雲收霧歛澄澄月滿虛堂

長思仙

朝思仙慕思仙思憶真師四五華惟愁功未

圓功須圓行須圓功行雙全作大仙攜雲歸  
洞天

又

外奔馳痛鞭持習性調和路不迷清溪香草  
肥芒兒歸牛兒隨明月高空照古隄人牛不  
見時

又

金要多銀要多奴馬田園苦要多臨行孽更  
多貧如何富如何萬事無心只恁何將來奈

我何

又

道人心處無心自在逍遙清淨心閑閑雲水  
心利名心縱貪心日夜煎熬勞役心何時休  
歇心

又

修行心包容心一片清虛冷淡心閑閑無用  
心滅嗔心去貪心寂寞清貧合聖心無生現  
本心

又

好顏容似花紅莫待馨香逐晚風臨頭始悟  
空妙搜窮脫凡籠猛烈灰心出世雄功成三  
島幸

又

遇風仙接幽詮雲水飄蓬鎮日閑靈明現本  
元結真鉛溉清泉須信壺中別有天道遙得  
坦然

又

得還無合虛無湛湛澄澄有若無元初無更  
無理清虛證空虛一點靈源實若虛光明徹  
太虛

又

得玄玄悟三三火滅煙消風害譚昏昏保玉  
男趣閑閑認憨憨一性渾如月正南澄澄現  
碧潭

憶王孫

神舟穩駕出沉流明月輝輝命自周兩箇先



生暗點頭有來由萬劫輪迴向此休

又

修行誰會把心降赤鳳驅將飲碧江調引嬰  
嬌笑舞雙別銀缸物物頭頭現曉窓

從初得得便風流降伏龜蛇住定州十日丹  
成永永收好因由自在逍遙萬事休

心中無事氣神和不覺欣欣言語多劍用道  
銅磨更磨害風哥割了舌頭趕退魔

塵寰財色苦相縈着愛浮華侵此身好悟靈

源一點真絕貪嗔便是逍遙到岸人  
無無無有有無無悟得無無便不愚日月年  
時損壯癯見元初萬道霞光攢寶珠  
茫茫苦海兩無邊無限迷魚戲黑淵我擲金  
鈎釣有綠線兒牽引上神舟採玉蓮

減字木蘭花

全真門戶靜靜清清無作做非易非難財色  
無明盡結丹真龍真虎境滅心忘去處  
鉛汞相傳交媾須離種種邊

又

逍遙自在去去來來無罣碍一片靈空處處  
圓明無不通無分內外瑩徹周沙含法界  
遍照無私明月高穹秋夜時

心顛意要難辨身中真共假意要心顛招得  
全生罪孽愁心寧意息定裏閑閑明慧力  
意息心寧道自歸而神自靈

遇而不悟可惜惺惺逐慾去目下蹉跎教我  
如今怎奈何也時若到悔晚投玄親妙道

早早迴修免向三塗六道遊

水雲皮袋似水如雲長自在自在閑人閑裏  
搜尋物外身任行任住色外真空閑裏做  
欲覓真空祇在南山畫靜中

塵心起處隔了逍遙雲水路不起塵心色相  
還空猿馬擒而今勘破保守天真閑裏過  
欲識天真白玉黃金鑄就身

武陵春贈李道人斫字

日勸君君不省下越貪忙識常常內轉傷肯

億思量 養靈根牢固取目好迴光兀騰騰  
萬事忘內焚仙香

南鄉子

物物不追求免有人前寵辱憂世路巧機齊  
放下休休順着人情不自由 最好把身囚  
落魄隨緣雲水遊乞食存心消舊孽修修譬  
似無常限到頭

永遇樂贈濟州王三校尉

飄逸閑行坦然穩路任雲任水落里安耽達

頭垢面朝日常如醉騰騰兀兀遨遊閑散去  
住並無縈繫覓殘餘填腸塞肚到處夜來愁  
睡人人未悟修持都是自着難為割離愛  
慾無涯煎熬苦海生滅何時已一簣一篲  
緣且過便是道人活計你咱自迷情未肯止  
抵恁地

踏莎行

雲水閑人婪耽布素逍遙物外煙霞步存心  
乞化度朝昏巡門若諾須分付

水定雲閑不隨他去煙消火滅清涼趣此遊  
聖境又空迴携節獨上長安路

屢勸聰明聰明不悟尋常相付留詞句詞中  
唯是勸迴修何曾詞裏依他做早悟輪迴  
速尋出路二輪催促朝還暮今生榮貴是前  
緣來生果報將何去

捨俗修行超塵歸素安恬寂淡忘思慮顛狂  
猿馬鎖空房靈源一默常教住莫覓金翁  
休搜龍虎清清閑暇逍遙做慧風吹散嶺頭

雲一輪月照曹溪路

步步無生緣親禪道明來暗合通莊老風仙  
十載去朝元處端雲路將應早 悟正身中  
無窮真實因緣漏果何須造閑閑活計我家  
風逍遙坦蕩吾門好

既得修真須搜玄理心中事事都忘棄因師  
妙旨悟元初山頭一點光明起 落魄生涯  
水雲活計遨遊坦蕩紅塵裏諸公休評這風  
人尋常只恁哩囉哩



驚驚愁愁無言無說自漸漫說虛分別從今  
更不外奔馳其中尤妙偏宜拙收捲精神  
藏輝跡滅空生煩惱齊休歇祇陀園裏種瓊  
花芬芳一朵金蓮結

纔見春花又逢秋月春花秋月何時徹勸君  
速悟勿蹉跎壺中別有嘉時節斷愛超塵  
當須猛烈元陽固鍊搜玄訣神珠磨鍊莫交  
昏無來不去超生滅

忍辱常食永除濁酒洗心滌意忘諸有存存

水雲集卷下  
人  
十六  
損損了空虛安安穩穩無他走  
靜靜清清  
天長地久春花秋月堅堅守騰騰兀兀向前  
行昏昏默默合着口

一顆玄珠從來蒙昧貪嗔癡深難分解頓修  
滌蕩不交昏輪迴生死都無碍急急行持  
休生退怠綿綿鍛鍊須寧耐了心何處是歸  
期彩雲鶴引蓬萊會

贈興平趙六士

百歲榮華星移光烈人身難保朝昏徹恩情

春愛已收空不時大限將分別 早悟輪迴  
驚生慘切割情捨愛親玄訣公還猛烈入清  
虛風人許你開心月

寄京兆徐公

方寸靈田何曾拂掃塵埃久暗生荒草神泉  
散漫不凝澄如何結得長生寶 雲水尋真  
逍遙訪道離家便是離煩惱聰明如悟肯休  
心孤峯共飲蟠桃老

贈王三校尉

稽首王公微言少告殘年霜髮君今到攀緣  
恩愛幾時休閑身強健灰心好深理幽微  
世情顛倒寂寥瀟灑搜玄奧水雲同步訪丹  
陽孤峯共飲蟠桃老

贈瀋州王四郎

賢兄來到說公深淡我聞聽忽生歎羨一母  
三枝背長情安忍心變悔前非改行方便  
聰明省會速來見面與仁兄和顏懽宴稍有  
違情定風子決成宛轉水雲去更無所見

浣溪沙辭賈公

雲水飄飄物外遊  
垂綸獨釣大神舟  
遇迷苦海不吞鈎  
却返碧波歸去後  
家山重會馬丘劉  
玉壺金液宴仙儔

長生先生作滿庭芳讚道釋寄助緣

盧公武德

釋氏禪宗老君道祖  
呂鍾海蟾明天重陽立  
教東海開良緣唯度丘劉  
譚馬分異派王郝  
先傳將來六十洲  
仙會霞友性團圓  
成仙

非難易行修八百功了三千待天書紫詔修  
命完全要出陽陰之殼常無染萬物無愆矣  
了了龜蛇繞陰盡去朝元

水雲集卷下

後序

人生天地間圓首方足抱識含情稟五行之  
秀為萬物之靈佛性仙材無不具藥爐丹竈  
無不備若能屏嗜慾棄浮華絕貪求去名利  
靜息虛凝則可以長生久視長真譚公仙人  
以宿緣符契壯歲得遇重陽祖師與丹陽長  
生長春同師也厥後相從真人西抵汴梁付  
以口訣後至洛川積功累行先厭世而登真  
有留語錄詞章僅數百篇皆包藏妙用窮達

造化命之曰水雲集傳之四方久矣值丙午  
間濟郡大水漂沒其板神仙長生劉公聞之  
不勝憫悼即命工重刊於東萊全真堂今又  
值累年兵革天下無有全者路鈴高友并其  
妻孟嘗善舉家孜孜慕道往來於淮楚間訪  
尋真人遺藁乃於門弟子處疑若神授得其  
全快恐其斯文泯絕今復鏤板印行於山陽  
城西菴實見高君用心於教門之切也嗚呼  
真人羽化已久斯文不可再得及見僕先父



所作前序又屬予為後跋遂不揆荒蕪勉述

又

僕一日編類諸仙降批詞頌珠璧集間忽有  
高牙大纛森擁蓬扉僕愕然興之而迎其門  
乃蕭師故來下盼相揖而進之謂予曰頃有  
道友張志全不遠數千里而來携斯長真子  
譚師父平世述作水雲集一部特以見遺某  
然而不解文墨忝於教門粗欽慕之奈屢經  
兵火將諸全真玄與之書板集俱已焚毀殆

蓋唯有此集幸好事者藏諸屋壁仍存焉若  
不再行鐫板傳於四方誠恐泯絕又聞將來  
纂道者參訪耳願為重刊之序僕應之曰曩  
者有東牟范學正父子才高欲向學富固彪  
已序之矣僕安敢措手耶屢辭不獲聊為散  
語以塞雅命云爾昔己丑年重陽日

水雲集終